


土岐文庫
文庫17
W123
6



13-6

文庫 17
W123
6

杜工部集卷十四目錄

近體詩一百十九首

哭嚴僕射歸櫬

宴戎州楊使君東樓

渝州候嚴六侍御不到先下峽

撥悶

聞高常侍亡

宴忠州使君姪宅

杜集卷十四目錄

一

玉勾草堂

昭和六十年二月一日
土岐善磨氏寄贈

010185185848

才集卷一四目錄

禹廟

題忠州龍興寺所居院壁

旅夜書懷

別常徵君

十二月一日三首

又雪

奉漢中王手札

贈崔十三評事公輔

長江二首

承聞故房相公靈輓歸葬東都二首

雲安九日鄭十八攜酒陪諸公宴

答鄭十七郎一絕

將曉二首

懷錦水居止二首

子規

立春

杜集卷十四目錄

二

玉勾草堂

漫成一絕

老病

南楚

寄常徵君

寄岑嘉州

移居夔州郭

船下夔州郭宿雨濕不得上岸別王十

二判官

雨不絕

崔評事弟許相迎不到走筆戲簡

宿江邊閣

夜宿西閣曉呈元二十一曹長

西閣口號

西閣雨望

不離西閣二首

西閣三度期大昌嚴明府同宿不到

西閣二首

閣夜

西閣夜

灑西寒望

入室三首

赤甲

卜居

暮春題灑西草屋五首

園

豎子至

示獠奴阿段

秋野五首

溪上

樹間

課小豎鋤斫舍北果林枝蔓荒穢淨訖

移牀三首

寒雨朝行視園樹

季秋江村

小園

自灑西荆扉且移居東屯茅屋四首

茅屋檢校收稻二首

東屯月夜

東屯北嶼

從驛次草堂復至東屯二首

暫往白帝復還東屯

刈稻了咏懷

上白帝城

上白帝城二首

武侯廟

八陣圖

謁先主廟

白鹽山

灩澦堆

灩澦

白帝

白帝城樓

曉望白帝城鹽山

白帝城最高樓

白帝樓

陪諸公上白帝城頭宴越公堂之作

峽隘

諸葛廟

峽口二首

天池

瞿塘兩崖

夔州歌十絕句

上卿翁請修武侯廟

杜工部集卷十四目錄終

杜工部集卷十四

近體詩一百十九首

行過戎渝州居雲安夔州作

哭嚴僕射歸櫬

素幔隨流水歸舟返舊京老親如宿昔部曲

異平生風送

一作逆

蛟龍雨

一作匣

天長驃騎營

一哀三峽暮遺後見君情

宴戎州楊使君東樓

勝絕驚身老情忘發興奇座從歌妓密樂任



主人爲重碧拈一作拈春一作春酒輕紅

擘荔枝樓高欲愁思橫笛未休吹

滄州候嚴六侍御不到先下峽

聞道乘驄發沙邊待至今不知雲雨散虛費

短長吟山帶烏蠻閣江連白帝深船經一柱

觀畱眼一作滯共登臨

撥悶一云贈嚴二別駕

聞道雲安麴米春纔傾一盞卽醺人乘舟取

醉非難事下峽消愁定幾巡長年三老遙憐

汝椀梅開頭一作鳴鏡捷有神已辦青錢防雇直

當令美味入吾脣

聞高常侍忠州作

歸朝不相見蜀使忽傳忠州作虛歷金華省何殊

地下郎致君丹檻折哭友白雲長獨步詩名

在祇令故舊傷

宴忠州使君姪宅

出守吾家姪殊方此日歡自須遊阮巷一作舍
不是怕湖溪一作灘樂助長歌逸一作送杯一作林作
饒旅思寬昔曾如意舞牽率強爲看

禹廟

禹廟空山裏秋風落日斜荒庭垂橘柚古屋
畫龍蛇雲氣生虛壁一云噓江聲走白沙早
知乘四載疏鑿一云流落控三巴

題忠州龍興寺所居院壁

忠州三峽內井邑聚雲根小市常爭米孤城
早閉門空一作豈看過客淚莫覓主人恩淹泊
仍愁虎深居賴獨園

旅夜書懷

細草微風岸危檣獨夜舟星垂平野闊月湧
大江流名豈文章著官應老病休飄飄一作零
何所似天地外一作沙鷗星垂俗本多作星隨

別常徵君

兒扶猶杖策臥病一秋強白髮少新洗寒衣
寬總長故人憂見及此別淚相忘各逐萍流
轉來書細作行

十二月一日三首

今朝臘月春意動雲安縣前江可憐一聲何
處送書雁百丈誰家上水一作瀨船未將梅蘂
驚愁眼一作更取楸一作椒花媚遠天明光起
草人所羨肺病幾時朝日邊

寒輕市上山烟碧日滿樓前江霧黃負鹽出
井此谿女打鼓發船何郡郎新亭舉目風景
切茂陵著書消渴長春花不愁不爛熳楚客
唯聽棹相將

卽看鷺子入山扉豈有黃鸝歷翠微短短桃
花臨水岸輕輕柳絮點人衣春來準擬開懷
久老去親知見面稀他日一盃難強進重嗟
筋力故山違

又雪

南雪不到地青崖霑未消微微向日薄脉脉
去人遙冬熱鴛鴦病峽深豺虎驕愁邊有江
水焉得北之朝

奉漢中王手札

國有乾坤大王今叔父尊剖符來蜀道歸蓋
取荆門峽險通舟過陳作峻江長注海奔主人
雷上客避暑得名園前後緘書報分明饌玉

恩天雲浮絕壁風竹在華軒已覺良宵永陳作逸

何看駭浪翻八期朱邸雪朝傷紫微垣枚乘
文章老河間禮樂存悲秋宋玉宅失路武陵
源淹薄俱崖口東西異石根夸音迷咫尺鬼
物傍一作倚黃昏犬馬誠為戀狐狸不足論從
容草奏罷宿昔奉清罇

贈崔十三評事公輔

飄飄吳作西極馬來自渥洼池颯颯定一作寒

鄧作山桂低徊風雨枝我聞龍正直道屈爾何

為且有元戎命悲歌識者誰吳作官聯辭允

長行路洗歆危脫劍主人贈去帆春色隨陰

沉鐵鳳闕教練羽林兒天子朝侵早雲臺仗

數移分軍應供給百姓日支離黠吏因封已

公才或守雌燕王買一作駿骨涓老得熊羆

活國名公在拜壇羣寇疑水壺動搖碧野水

失蛟螭入幕諸彥集渴賢高選宜騫騰坐可

致九萬起於斯復進出矛戟昭然開鼎彝會

看之子貴歡及老夫衰豈但江曾決還思霧

一披暗塵生古鏡拂匣照西施舅氏多人物

無慙困翮垂

長江二首

衆水會涪萬瞿塘爭一門朝宗人共挹盜賊

爾誰尊孤石隱如馬高蘿垂飲猿歸心異波

浪何事卽飛翻

浩浩終不息乃知東極臨一作深衆流歸海意

萬國奉君心色借瀟湘闊聲馳灑潏深荆作沈

未辭添霧雨接上遇一作過衣襟

承聞故房相公靈櫬自閩州啓殯歸葬

東都有作二首

遠聞房太守一作尉歸葬陸渾山一德興王後

孤魂久客間孔明多故事安石竟崇班他日

嘉陵涕仍霑楚水還

丹旄飛飛日初傳發閩州風塵終不解江漢

忽同流劍動新趙云善本作親身匣書歸故國樓盡

哀知有處為客恐長休

雲安九日鄭十八攜酒陪諸公宴

寒花開已盡菊蕊獨盈枝舊摘人頻異輕香

酒甃隨地偏初衣袂山擁更登危萬國皆戎

馬酣歌淚欲垂

答鄭十七郎一絕

雨後過畦潤花殘步履遲把文驚小陸好客
見當時

將曉二首

石城除擊柝鐵鎖欲開關鼓角悲荒塞星河
落曙山巴人常小梗蜀使動無還垂老孤帆
色飄飄犯百一作蠻

軍吏回官燭舟人自楚歌寒沙蒙薄霧落月
去清波壯惜身名晚衰慙應接多歸朝日簪
笏筋力定如何

懷錦水居止二首

軍旅西征僻風塵戰伐多猶一作獨聞蜀父老

不忘舜謳歌天險終難立柴門豈重過朝朝
巫峽水遠逗錦江波

萬里橋南當作西宅百花潭北莊層軒皆面水

老樹飽經霜雪嶺界天白錦城曛日黃惜哉
形勝地回首一茫茫

子規

峽裏雲安縣江樓翼瓦齊兩邊山木合終日
子規啼眇眇春風見蕭蕭夜色凄客愁那聽
此故作傷人低一作故傷旅人低

立春

春日春盤細生菜忽憶兩京梅發時盤出高
門行白玉菜傳纖手送青絲巫峽寒江那對
眼杜陵遠客不勝悲此身未知歸定處呼兒

覓紙一題詩

漫成一絕

江月去人只數尺風燈照夜欲三更沙頭宿

鷺聯拳靜起

一作起

船尾跳魚撥

一作跋

刺鳴

老病

老病巫山裏稽留楚客中藥殘他日裏花發
去年叢夜足霑沙雨春多逆水風合分雙賜
筆猶作一飄蓬

南楚
南楚青春異暄寒
早早分無名江上草
隨意嶺頭雲
正月蜂相見
非時鳥共聞
杖藜妨躍馬
不是故離羣

寄常徵君

白水青山空復春
徵君晚節傷風塵
楚妃堂上色殊衆
海鶴堦前鳴向人
萬事糾紛猶絕粒
一官羈絆實藏身
開州入夏知涼冷
不似

雲安毒熱新

寄岑嘉州

州據蜀江外

不見故人十年餘
不道故人無素書
願逢顏色關塞遠
豈意出守江城居
外江三峽且相接
斗酒新詩終日自
一作疎謝眺每篇堪諷誦
馮唐已老聽吹噓
泊船秋夜經春草
伏枕青楓限玉除
眼前所寄選何物
贈子雲安雙鯉魚

移居夔州郭

伏枕雲安縣遷居白帝城春知催柳別江與
一作已放船清農事聞人說山光見鳥情禹功

饒斷石且就土微平

船下夔州郭宿雨濕不得上岸別王十

二判官

依沙宿舸船石瀨月娟娟風起春燈亂江鳴
夜雨懸晨鐘雲外晉作岸濕勝地石堂烟柔櫓

輕鷗外含悽覺汝賢

雨不絕

鳴雨既過漸細晉作細雨微映空搖颺如絲飛堦

前短草泥不亂院裏長條風乍稀舞石旋應

將乳子行雲莫自濕仙衣眼邊江舸何忽促

未待晉作得安流逆浪歸

崔評事弟許相迎不到應慮老夫見泥

雨怯出必愆佳期走筆戲簡

江閣要賓許馬迎午時起坐自天明浮雲不
負青春色細雨何孤白帝城身過花間露濕
好醉於馬上往來輕虛疑皓首衝泥怯實少
銀鞍傍險行

宿江邊閣

暝色延山逕高齋次水門薄雲巖際宿孤月
浪中翻鶴鶴追飛靜一作盡豺狼得食喧不眠
憂戰伐無力正乾坤

夜宿西閣曉呈元二十一曹長

城暗更籌急樓高雨雪微稍通綃幕霽遠帶
玉繩稀門鵲晨光起一作喜墻一作檣烏宿處飛
寒江流甚細有意待人歸

西閣口號呈元二十一

山木抱雲稠寒江繞上頭雪崖纔變石風幔
不依樓社稷堪流涕安危在運籌看君話王
室感動幾銷憂

西閣雨望

樓雨霑雲幔山寒

一作高

著水城逕添沙面出

滿減石稜生菊蘂淒疎放松林駐遠情滂沱

朱檻濕萬

一作方

慮傍

一作倚

簷楹

不離西閣二首

江柳非時發江花冷色頻地偏應有瘴臘近

已含春失學從愚子無家住

一作任

老身不知

西閣意肯別定畱

一作何

人

西閣從人別人今亦故亭江雲飄素練

一作葉

石壁斷

一作斬

空青滄海先迎日銀河倒列星

平生耽勝事吁駭始初經

西閣三度期大昌嚴明府同宿不到

問子能來宿今疑索故要匣琴虛夜夜手板

自朝朝金吼霜鐘徹花催臘

一作蠟

炬銷早鳥

江檻底雙影漫飄飄

西閣二首

巫山小搖落碧色見松林百鳥各相命孤雲

無一作非自心層軒俯江壁要路亦高深朱紱

猶紗帽新詩近玉琴功名不早立衰病一作疾

謝知音哀世非一作無王粲終然一作朝學越吟

懶心似江水日夜向滄洲不道含香賤其如

鑷白休經過調一作凋碧柳蕭索一作瑟倚朱樓

畢娶何時竟消中得自由豪一作榮華看古往

服食寄冥搜詩盡人間興兼須入海求

閣夜

歲暮陰陽催短景天涯霜雪霽寒宵五更鼓

角聲悲壯三峽星河影動搖野哭幾一作千家

聞戰伐夸歌數一作是處起漁樵卧龍躍馬終

黃土人事依依漫一作音塵日寂寥一作音書頗

西閣夜

恍惚寒山暮透迤白霧昏山虛風落石樓靜

月侵門擊柝可憐子無衣何處村時危關百

木集卷一四
慮盜賊爾猶存

灤西寒望

水色含羣動朝光切太虛年侵一作頻悵望

興遠一蕭疎猿挂時相學鷗行炯自如瞿塘

春欲至定卜灤西居

入宅三首赤甲白鹽二山

奔峭背赤甲斷崖當白鹽客居愧遷次春色漸多添花亞欲移竹鳥窺新捲簾衰年不敢

恨勝槩欲相兼

亂後居難定春歸客未還水生魚復音浦雲

暖麝香山半樊作治頂梳頭白過眉拄杖斑相

看多使者一一問函關

宋玉歸州宅雲通白帝城吾人淹老病旅食豈才名峽口風常急江流氣不平只應與兒子飄轉任浮生

赤甲

卜居赤甲遷居新兩見巫山楚水春炙背可
以獻天子美芹由來知野人荊州鄭薛寄書
近蜀客郗岑非我鄰笑接郎中評事飲病從
深酌道吾真

卜居

歸羨遼東鶴吟同楚執珪未成遊碧海著處

覓丹梯雲障

陳作嶂

寬江左

北一云

春耕破灤西

桃紅客若至定似昔一作晉人迷

暮春題灤西新賃草屋五首

久嗟三峽客再與暮春期百舌欲無語繁花
能幾時谷虛雲氣薄波亂日華遲戰伐何由
定哀傷不在茲

此邦千樹橘不見比封君養拙干戈際全生
麋鹿羣畏人江北草旅食灤西雲萬里巴渝
曲三年實飽聞

綵雲陰復白錦樹曉

晉作晚

來青身世雙蓬鬢

乾坤一草亭哀歌時自短醉舞爲誰醒細雨
荷鋤立江猿吟翠屏

壯年晉作志學書劍他日委泥沙事主非無祿

浮生卽有涯高齋依藥餌絕域改春華喪亂
母心破王臣未一家

欲陳濟世策已老尙書郎未息豺虎鬪空慙

鴛鴦行時危人事急晉作惡風逆晉作急羽毛傷

落日悲江漢中宵淚滿床

園

仲夏流多水清晨向小園碧溪搖艇闊朱果
爛枝繁始爲江山靜終防市井喧畦蔬繞茅
屋自足媚盤飧

豎子至

檣梨且一作纔綴碧梅杏半傳黃小子幽園至

輕籠熟柰香山風猶滿把野露及新嘗欲寄

一作欵枕江湖客提攜日月長

示獠奴阿段

山木蒼蒼落日曛竹竿裊裊細泉分郡人入
夜爭餘瀝豔一作稚子尋源獨不聞病渴三更
迴白首傳聲一注濕青雲曾驚陶侃胡奴異
怪爾常穿虎豹羣

秋野五首

秋野日疏荒一作荒蕪寒江動碧虛繫舟蠻井絡
一作路卜宅楚村墟棗熟從行一作行人打葵荒欲

自

一作且

鋤盤飧老夫食分減及溪

一作樵魚

易識浮生理難教一物違水深魚極樂林茂
鳥知歸吾老甘貧病榮華有是非秋風吹几
杖不厭此一作北山薇

禮樂攻吾短山林引興長掉頭紗帽仄曝背
竹書光風落收松子天寒割蜜房稀疎小紅
翠駐屐近微香

遠岸秋沙白連山晚照紅潛鱗輸駭浪歸翼

會高風砧響家家發樵聲箇箇同飛霜任青
女賜被隔南宮

身許騏驎畫年衰鴛鴦羣大江秋易盛空峽
夜多聞逕隱千重石帆留一片雲兒童解蠻
語不必作參軍

溪上

峽內淹留客溪邊四五家古苔生迹一作濕
又作窄
地秋竹隱疎花塞俗人無井山田飯有沙西

江使船至時復問京華

樹間

岑寂雙甘樹婆娑一院香交柯低几杖垂實
礙衣裳滿歲如松碧同時待菊黃幾迴霜葉

一作落露乘月坐胡牀

課小豎鋤斫舍北果林枝蔓荒穢淨訖

移牀三首一云秋日
閑居三首

病枕依茅棟荒鋤淨果林背堂資僻遠在野

與清深山雉防求敵江猿應獨吟洩雲高不
去隱几亦無心

衆壑生寒早長林卷霧齊青蟲懸就日朱果

落封一作泥薄俗防人一作面全身學馬蹄

吟詩坐一作迴首隨意葛巾低

籬弱門何向沙虛岸只一作摧日斜魚更食

客散鳥還來寒水光難定秋山響易哀天涯

稍曛黑倚杖更一作徘徊

寒雨朝行視園樹

柴門雜樹向千株丹橘黃甘此地無江上今

朝寒雨歇籬中秀一作色畫屏紆桃溪李逕

年雖故一作梔子紅椒豔復殊鑠石藤稍元

自落倚一作天松骨見來枯林香出實垂將

盡葉蒂辭一作枝不重蘇愛日恩光蒙借貸

清霜殺氣得憂虞衰顏更一作覓藜床坐緩

步仍須竹杖扶散騎未知雲閣處啼猿僻在

楚山隅

季秋江村

喬木村墟古疎籬野蔓懸清

一作素

琴將暇日

白首望霜天登俎黃甘重支床錦石圓遠遊

雖寂寞難見此山川

小園

由來巫峽水本自楚人家客病留因藥春深
買為花秋庭風落果灑岸雨頽沙問俗營寒

事將詩待物華

自灑西荆扉且移居東屯茅屋四首

白鹽危嶠北赤甲古城東平地一川穩高山

四面同烟霜凄野日秔稻熟天風人事傷蓬

轉吾將守桂叢

東屯復灑西一種佳青溪來往皆

陳作兼

茅屋

淹留為稻畦市喧宜近利

西居近市

林僻此無蹊

若訪衰翁語須令贖客迷

道北馮都使高齋見一川子能渠細石吾亦
沼清泉枕帶一作席還相似柴荆卽有焉斫畚
應費日解纜不知年

牢落西江外參差北戶間久遊巴子國吳作宅

卧病楚人山幽獨移佳境清深隔遠關寒空
見鴛鴦迴首憶晉作朝班

茅堂檢校收稻二首

香稻三秋未平田百頃間喜無多屋宇幸不
礙雲山御袂侵寒氣嘗新破旅顏紅鮮終日
有玉粒未吾慳

稻米炊能白秋葵煮復新誰云滑易飽老藉
軟俱勻種幸房州熟苗同伊闕春無勞映渠
盃自有色如銀

東屯月夜

抱疾漂萍老防邊舊穀屯春農親異俗歲月
在衡門青女霜楓重黃牛峽水喧泥雷虎鬪

跡月挂客愁村喬木澄稀影輕雲倚細根數
驚聞雀噪暫睡想猿蹲日轉東方白風來北
斗昏天寒不成寢無夢寄一作歸魂

東屯北崦

盜賊浮生困誅求異俗貧空村惟見鳥落日
未一作逢人步壑風吹面看松露滴身遠山
廻白首戰地有黃塵

從驛次草堂復至東屯二首一本東屯下有茅屋

峽陳作內一作歸田客一作江邊借馬騎非

尋戴安道似向習家池峽險風烟僻陳作天

寒橘柚垂築場看斂積一學楚人為
短景難高卧衰年強此身山家蒸栗暖野飯
射麋新世路知交薄門庭畏客頻牧童斯一作
須在眼田父實為鄰

暫住白帝復還東屯

復作歸田去猶殘穫稻功築場憐穴蟻拾穗
許村童落杵光輝白除一作殊芒子粒紅加食
可扶老倉庾一作廩慰飄蓬

刈稻了咏懷

稻穫空雲水川平對石門寒風疎落荆作木
旭日散雞豚野哭初聞戰樵歌稍出村無家
問消息作客信乾坤

上白帝城

城峻隨天壁樓高更一作望女墻江流思夏后
風至憶襄王老去聞悲角人扶報夕陽公孫
初恃險躍馬意何長

上白帝城二首

江城含變態一上一回新天欲今朝雨山歸
萬古春英雄餘事業衰邁久風塵取醉他鄉
客相逢故國人兵戈猶擁蜀賦歛強一作尚輸
秦不是煩形勝深慙一作愁畏損神

白帝空祠廟孤雲自往來江山城宛轉棟宇
客徘徊勇略今何在當年亦壯哉後人將酒
肉虛殿日塵埃谷鳥鳴還過林花落又開多
慚病無力騎馬入青苔

武侯廟

遺廟丹青落一作古空山草木長猶聞辭後主
不復卧南陽

八陣圖

功蓋三分國名成八陣圖江流石不轉遺恨
失吞吳

謁先主廟

慘澹風雲會乘時各有人力侔分社稷志屈
偃經綸復漢畱長策中原仗老臣雜耕心未
已歐血事酸辛霸氣西南歆雄圖歷數屯錦
江元過楚劍閣復通秦舊俗存祠廟空山泣
一作泣鬼神虛簷交一作扶鳥道一作過枯木半龍

鱗竹送清

樊作青

溪月苔移玉座春閨兒女

換歌舞歲時新絕域歸舟遠荒城繫馬頻如

何對搖落况乃久風塵孰

荆作勢

與關張竝功

臨耿鄧親應

一作繼

天才不小得士

晉作士

契無

鄰遲暮堪帷幄飄零且釣緡向來憂國淚寂

寞洒衣巾

白鹽山

卓立羣峰外蟠根積水邊他皆任厚地爾一作

我獨近高天白牘千家邑清秋萬估一作船

詞人取佳句刻畫竟誰傳

英華作刷練始堪傳

灑灑堆

巨積

陳作石

水中央江寒出水長沈牛咎雲雨

如馬戒舟航天意存傾覆神功接混茫干戈

連解纜行止憶垂堂

灑灑

灑灑既沒孤根深西來水多愁太陰江天漠

本集卷十四
四
漠鳥雙去風雨時時龍一吟舟人漁子歌迴
首估客胡商淚滿襟寄語舟航惡年少休翻
鹽井橫一作云摸黃金又作擲

白帝

白帝城中雲出門一作城頭白帝城下雨翻

盆高江急峽雷霆鬪翠一作古木蒼藤日月昏

戎一作去馬不如歸馬逸千家今有百一作十家

存哀哀寡婦誅求盡慟哭秋原何處村

白帝城樓

江度寒山閣城高絕塞樓翠屏宜晚對白谷
會深遊急急能鳴雁輕輕不下鷗夔陵春色
起漸擬放扁舟

曉望白帝城鹽山

徐步移斑杖看山仰白頭翠深開斷壁紅一作

江遠結飛樓日出清一作寒江望暄和散旅愁

春城見松雪始擬進歸舟

白帝城最高樓

城尖徑昃

一作翼

旌旆愁獨立縹緲之飛樓峽

坼雲霾龍虎卧

吳作睡

江清日抱鼉鼉遊扶桑

西枝對

一作封

斷石弱水東影隨長流杖藜歎

世者誰子泣血迸空廻白頭

白帝樓

漠漠虛無裏連連睥睨侵樓光去日遠峽影
入江深臘破思端綺春歸待一金去年梅柳

意還欲攬邊心

陪諸公上白帝城

吳有頭字

宴越公堂之作

此堂存古製城上俯江郊落構垂雲雨荒堦
蔓草茅柱穿蜂溜蜜棧缺燕添巢坐接春盃
氣心傷艷藥梢英靈如過隙宴衍願投膠莫
問東流水一作水清淺生涯未即拋

峽隘

聞說江陵府雲沙靜

一作淨

眇然白魚如切玉

朱橋不論錢水有遠湖樹人今何處船青山
各陳作在眼却望峽中天

諸葛廟

久遊巴子國屢入武侯祠竹日斜虛寢溪風
滿薄帷君臣當共濟賢聖亦同時翊戴歸先
主并吞更出師蟲蛇穿畫壁巫覡醉蛛絲欸
憶吟梁父躬耕也一作起未遲

峽口二首

峽口大江間西南控百蠻城歆連粉堞岸斷
更青山開闢多一作當天險防隅一水關亂離
聞鼓角秋氣動衰顏

時清關失險世亂戟如林去矣英雄事荒哉
割據心蘆花畱客晚楓樹坐猿深疲茶煩親
故諸侯數賜金主人楫中丞
頻分月俸

天池

天池馬不到嵐壁鳥纔通百頃青雲杪層波

白石中鬱紆騰秀氣蕭瑟浸寒空直對巫山

出一作峽兼疑夏禹功魚龍開闢有菱芡一作芰

古今同豐一云聞道奔雷黑初看浴日紅飄零

神女雨斷續楚王風欲問支機石如臨獻寶

宮九秋驚雁序萬里狎漁翁樵一作童更是無人

處誅勞一作茅任薄躬

瞿塘兩岸

三峽傳何處雙崖壯此門入天猶石色穿水

忽雲根猿猱鬚髯古蛟龍窟宅尊羲和冬一作

驂馭近愁畏日車翻

夔州歌十絕句

中巴之東巴東山江水開闢流其間白帝高

為三峽鎮夔州一作瞿塘險過百牢關

白帝夔州各異城蜀江楚峽混殊名英雄割

據非天意霸王吞在物情

羣雄競起問刊作聞前朝王者無外見今朝比

詠漁陽結怨恨元聽舜日舊簫韶

赤甲白鹽俱刺天閭閻繚繞接山巔楓林橘

樹丹青合複道重樓錦繡懸

灤東灤西一萬家江北江南晉作江南江北春冬花

背飛鶴子遺瓊蘂相趁鳧雛入蔣牙

東屯稻畦一百頃北有澗水通青苗晴浴狎

鷗分處處雨隨神女下朝朝

蜀麻吳鹽自古通萬斛之舟行若風長年三

老長歌裏白晝一作買攤錢高浪中江鄰幾雜志白馬灘

前高浪中

憶昔咸陽都市合山水之圖張賣時巫峽曾

經寶屏見楚宮猶對碧峰疑

武侯祠堂一作生祠不可忘中有松柏參天長干

戈滿地客愁破雲日如火炎天涼

閩風元圃與蓬壺中有高堂晉作唐天下無借

問夔州壓何處峽門江腹擁城隅

上卿翁請修武侯廟遺像缺落時崔卿

權夔州

大賢為政即多聞
刺史真符不必分
尚有西郊諸葛廟
臥龍無首對江濱

杜工部集卷十四

杜工部集卷十五目錄

近體詩一百四十三首

偶題

秋興八首

詠懷古跡五首

諸將五首

秋日夔府咏懷奉寄鄭監李賓客一百

韻

贈李八秘書三十韻

寄劉峽州使君四十韻

夔州書懷四十韻

解悶十二首

復愁十二首

承聞河北諸道節度入朝歡喜口號十
二首

喜聞盜賊蕃寇摠退口號五首

洞房

宿昔

能畫

鬪雞

鸚鵡

歷歷

洛陽

驪山

木集卷之三十一

提封

覆舟二首

垂白

草閣

江月

江上

中夜

江漢

白露

孟氏

吾宗

有歎

冬深

不寐

月圓

中宵

杜集卷十五目錄

三

玉勾草堂

木集卷一五目錄

遣懋

秋清

傷秋

秋峽

南極

搖落

耳聾

獨坐二首

遠遊

夜

暮春

晴二首

雨

月三首

雨

晚晴

上集卷十五目錄

四

玉勾草堂

夜雨

更題

歸

返照

熱三首

日暮

八月十五夜月二首

十六夜翫月

十七夜對月

村雨

雨晴

晚晴吳郎見過北舍

暝

雲

月

雨四首

夜

晨雨

反照

向夕

曉望

雷

雨

朝二首

晚

夜二首

杜工部集卷十五目錄終

杜集卷十五目錄

六

玉勾草堂

杜工部集卷之十五

近體詩一百四十三首

居夔州作

偶題

文章千古事得失寸心知作者皆殊列名聲
 豈浪垂騷人嗟不見漢道盛於斯前輩飛騰
 入餘波綺麗為後賢兼舊列一云制一云歷
 利別本作例
 代各清規法自儒家有心從弱歲疲永懷江
 左逸多病一作謝鄴中奇駿驥皆良馬騏驎帶

好兒車輪徒已斷堂構惜一作肯仍虧漫作潛

夫論虛傳幼婦碑一作詞緣情慰漂蕩抱疾屢

遷移經濟慚長策飛棲假一枝塵沙傍蜂蠆

江峽繞蛟螭蕭瑟唐虞遠聯翩楚漢危聖朝

兼盜賊異俗更喧卑鬱鬱星辰劍蒼蒼雲雨

池兩都開幕府萬寓插軍麾南海殘銅柱東

風避月支音書恨烏鵲號怒怪熊羆稼穡分

詩興柴荆學土宜故山迷白閣秋水隱一作憶

黃陂不敢要佳句愁來賦別離

秋興八首

玉露凋傷楓樹林巫山巫峽氣蕭森江間波

浪兼天湧塞上風雲接地陰叢菊兩一作重開

他日淚孤舟一繫故園心寒衣處處催刀尺

白帝城高急暮砧

夔府孤城落日斜每依南一作北斗望京華聽

猿實下三聲淚奉使虛隨八月查畫省香爐

杜集卷一五
違伏枕山樓粉堞隱悲笳請看石上藤蘿月
已映洲前蘆荻花

千家山郭靜朝暉日日一作百處江樓坐翠微信

宿漁人還汎汎清秋鷺子故飛飛匡衡抗疏
功名薄劉向傳經心事違同學少年多不賤
五陵衣馬自輕肥

聞道長安似奕棋百年世事不勝一作堪悲王
侯第宅皆新主文武衣冠異昔時直北關山

金鼓振征西車馬一作奕作馳羽書遲一作馳魚龍寂

莫秋江冷故國平居有所思

蓬萊宮闕對南山承露金莖霄漢間西望瑤
池降王母東來紫氣滿函關雲移雉尾開宮
扇日繞龍鱗識聖顏一卧滄江驚歲晚幾迴

青瑣照一作點朝班

瞿唐峽口曲江頭萬里風煙接素秋花萼夾
城通御氣芙蓉小苑入邊愁朱簾繡柱圍黃

鶴通作錦纜牙檣起白鷗迴首可憐歌舞地

秦中自古帝王州

昆明池水漢時功武帝旌旗在眼中織女機

絲虛月夜一作石鯨鱗甲動秋風波漂菰米

沉雲黑露冷蓮房墜粉紅關塞極天唯鳥道

江湖滿地一漁翁

昆吾御宿自逶迤紫閣峯陰入漢晉作陂一作

紫閣峯陰入漢陂香稻草堂本作紅豆一作紅飯啄

餘一作鸚鵡粒碧梧棲老鳳凰枝佳人拾翠

春相問仙侶同舟晚更移綵筆昔遊一作干

氣象白頭吟望苦低垂

詠懷古跡五首

支離東北風塵際漂泊西南天地間三峽樓

臺淹日月五溪衣服共雲山羯胡事主終無

賴詞客哀時且未還庾信平生最蕭瑟暮年

詩賦動江關

搖落深知宋玉一作悲風流儒雅亦吾師悵
望千秋一灑淚蕭條異代不同時江山故宅
空文藻雲雨荒臺豈夢思最是楚宮俱泯滅
舟人指點到今疑

羣山萬壑赴荆門生長明如尙有村一去紫

臺連朔漠獨畱青塚向黃昏畫圖省識春風

面環珮空歸月夜魂千載一作琵琶作胡語

分明怨一作恨曲中論

蜀主窺吳幸三峽崩年亦在永安宮翠華想

像空一作寒山裏玉殿虛無野寺中古廟杉松

巢水鶴歲時伏臘走村翁武侯祠屋常鄰近

一體君臣祭祀同殿今為寺廟在宮東

諸葛大名垂宇宙宗臣遺像肅清高三分割

據紆籌策萬古雲霄一羽毛伯仲之間見伊

呂指揮若定失蕭曹福一作運移漢祚難恢復

一作終難復志決身殲軍務勞

諸將五首

漢朝陵墓對南山胡虜千秋尙入關昨日王
魚蒙葬地早時金盃出人間見愁汗馬西戎
逼曾閃朱旗北斗殷多少材官守涇渭將軍
且莫破愁顏

韓公本意築三城擬絕天驕拔漢旌豈謂盡
煩回紇馬翻然遠救朔方兵胡來不覺潼關
隘龍起猶聞晉水清獨使至尊憂社稷諸君
何以答升平

洛陽宮殿化爲烽休道秦關百二重滄海未
全歸禹貢薊門何處盡堯封朝廷衮職誰爭

補一作雖
多預

天下軍儲不自供稍喜臨邊王相

國肯銷金甲事春農

迴首扶桑銅柱標冥冥氛祲未一作不全銷越

裳翡翠無消息南海明珠久寂寥殊錫曾爲
大司馬總戎皆插侍中貂炎風朔雪天王地

只在忠臣

陳作良

翊聖朝

錦江春色逐人來
巫峽清秋萬壑哀
正憶往時嚴僕射
共迎中使望鄉臺
主恩前後三持節
軍令分明數舉盃
西蜀地形天下險
安危須仗出羣材

秋日夔府詠懷奉寄鄭監

審

李賓客

之芳

一百韻

絕塞烏蠻北
孤城白帝邊
飄零仍百里
消渴

已三年
雄劍鳴匣羣書滿
繫船

草堂本云一作所向

皆窮轍餘生日繫船

亂離心不展

一作轉

衰謝日蕭然
筋力妻孥問
菁華歲月遷
登臨多物色
陶冶賴

詩篇
峽束滄江起
巖排石

一作古

樹

石楠也

雲霾楚氣朝

川作潮

海蹴

一作視

吳天煮井為鹽

速燒畬
度地偏
有時驚疊嶂
何處覓平川
鷓鴣雙雙舞
獼猴壘壘懸
碧蘿長似帶
錦石小

如錢
春草何曾歇
寒花亦可憐
獵人吹戍火

野店引山泉喚起搔頭急扶行幾屐穿兩京

猶薄產四海絕隨肩幕府初交辟郎官幸備

員瓜時猶一作仍旅寓萍泛若夤緣藥餌虛

狼藉秋風灑靜便開襟驅晉作瘴癘明目掃

雲煙高宴諸侯禮佳人上客前哀箏傷老大

華屋艷神仙南內開元曲常時弟子傳法歌

聲變轉滿座涕潺湲都督柏中丞筵開梨弔

影夔州僻回腸杜曲煎即今龍脰水莫帶犬

戎羶西京龍脰門苑馬門內耿賈扶王室蕭曹

拱御筵乘威滅蜂蠹戮力効川作鷹鷂舊物

森猶在凶徒惡未悛國須行戰伐人憶止戈

鋌奴僕何知禮恩榮錯與權胡星一彗孛川作

閣黔首川作遂拘孿哀痛絲綸切煩苛法令

蠲業成陳始王兆喜出于收宮禁經綸密台

階翊戴全熊羆載呂望鴻鴈美周宣側聽中

興主長吟不世賢音徽一柱數道里下牢千

鄭在江陵李在夷陵鄭李光時論文章竝我先陰何尙
清省沈宋歛聯翩律比崑崙竹音知燥溼絃
風流俱善價愜當久忘筌置驛常如此登龍
蓋有焉雖云隔禮數不敢墜周旋高視收人
表虛心味道元馬來皆汗血鶴唳必青田羽
翼商山起蓬萊漢閣連管寧紗帽淨江令錦
袍鮮東郡時題壁南湖日扣舷遠遊凌絕境
佳句染華牋每欲孤飛去徒爲百慮牽生涯

已寥落國步乃

一作尙

迤邐衾枕成蕪沒池塘

作棄捐

平生多病卜築遣懷

別離憂怛怛伏臘涕漣漣

露菊班艷鎬秋蔬

一作菰

影澗灑共誰論昔事

幾處有新阡富貴空迴首喧爭懶著鞭兵戈
塵漠漠江漢月娟娟局促看秋鷺蕭疎聽晚
蟬雕蟲蒙記憶烹鯉問沉綿卜羨君平杖屨
存子敬氈囊虛把釵鉏米盡坼花鈿甘子陰
涼葉茅齋八九椽陣圖沙北岸市暨灤西巔

市暨音既峽人目市井處曰市暨入陣圖市暨夔人語也江水橫通山谷處方人謂之瀼

羈絆心常折棲遲病即痊紫收岷嶺芋紫秧

岷下一作蓮色好梨勝頰穰多粟

過拳勅厨唯一味求飽或三鱸兒去看魚笱

人來坐馬韉一云俗異鄰蛟至朋來坐馬韉縛柴門窄窄通

竹溜涓涓塹抵公畦稜京師農人指田遠近多云幾稜稜音去聲

村依野廟孺缺籬將棘拒倒石賴藤纏借問

頻朝謁何如穩醉一作眠誰云行不逮一作

自覺坐能堅霧雨銀章澀馨香粉署妍紫鸞

無近遠黃雀任翩翾困學違從衆明公各勉

旃聲華夾宸極早晚到星躔懇諫畱匡鼎諸

儒引服一作處不逢一作輸鯁直會是正陶

甄宵旰憂虞軫黎元疾苦駢雲臺終日畫青

簡為誰編行路難何有招尋興已專由來具

飛檝暫擬控鳴弦身許雙峰寺門求七祖禪

落帆追宿昔衣褐向真詮安石名高晉鄭高簡得

謝太傅昭王客赴燕李宗親有燕昭之美燕周之裔途中非

阮籍查上似張騫披拂一作晤晉作豁雲寧在淹留

景不延風期終破浪水怪莫飛涎他日辭神

女傷春怯杜鵑淡交隨聚散澤國遶迴旋本

自依迦葉何曾藉偃佗鑪峯生轉眄橘井尚

高褰東走窮歸鶴南征盡點鴛晚聞多妙教

卒踐塞前愆顧凱丹青列頭陲琬琰鑄衆香

深黯黯幾地肅芊芊勇猛為心極清羸任體

孱金篦空刮眼鏡象未離銓一云平等未難銓

贈李八一作秘書別三十韻

往時中補右扈蹕上元初反氣凌行在妖星

下直廬六龍瞻漢闕一作萬騎略集一作姚一作

媯墟元朔迴一作天步神都憶帝車一戎纔

汗馬百姓免為魚通籍蟠螭印差肩列鳳輿

事殊迎代邸喜異賞朱虛寇盜方歸順乾坤

欲晏如不才同補袞奉詔許牽裾鴛鷺叨雲

閣麒麟滯玉除

一作石渠

文園多病後中散舊交

疎飄泊哀相見平生意有餘風煙巫峽遠臺

榭楚宮虛

一作除

觸目非論故新文尙起予清

秋凋碧柳別浦落紅葉消息多旗幟經過歎

里閭戰連脣齒國軍急羽毛書幕府籌頻問

山劔元帥杜相公初屈幕府參籌畫相公朝謁今赴後期也

山家藥正鋤

秘書比卧

台星入朝謁使節有吹噓西蜀災

長弭南翁憤始攄對敵抗

一作坑

士卒乾沒費

倉儲勢藉兵須用功無禮忽諸御鞍金騾裊

宮硯玉蟾蜍拜舞銀鈎落恩波錦帕舒此行

非不濟良友昔相於去旆

一作棹

依顏色汨流

想疾徐沉綿疲井曰倚薄似樵漁乞

去米煩

佳客鈔詩聽小胥杜陵斜晚照滴水帶寒淤

莫話清溪髮蕭蕭白映梳

寄劉峽州伯華使君四十韻

峽內多雲雨秋來尙鬱蒸遠山

一作天

朝白帝

深水謁

一作出

彝陵遲暮嗟為客西南喜得朋

哀猿更

一作勞

起坐落鴈失飛騰伏枕思瓊樹

臨軒對玉繩青松寒不落碧海濶逾澄昔歲

文為理羣公價盡增家聲同令聞時論以儒

稱太后當

一作臨

朝肅多才接迹昇翠虛拍颺

颺丹極上鷓鴣宴引春壺滿

一作酒

恩分夏簟

冰彫章五色筆紫殿九華燈學竝盧王敏書

偕褚薛能老兄真不墜小子獨無承近有風

流作聊從月繼

一作作

徵放蹄知赤驥振翅

服蒼鷹卷軸來何晚襟懷庶可憑會期吟諷

數益破旅愁凝雕刻初誰料

一作解

織毫欲自

矜神融躡飛動戰勝洗侵凌妙取筌蹄棄高

宜百萬層白頭遺恨在青竹幾人登迴首追

談笑勞歌跼寢興年華紛已矣世故莽相仍

刺史諸侯貴郎官列宿應潘生驂閣遠

一云潘安

雲閣

黃霸璽書增乳贗

胡犬切有力也

號攀石饑颺

訴落藤藥囊親道士灰劫問胡僧憑久烏皮

拆一作簪一作稀一作白一作帽稜林居看蟻穴

野食行去聲一作魚骨筋力交彫喪飄零免

戰兢皆一作昔一作為百里宰正似六安丞姪女縈

新裹丹砂冷舊秤但求椿壽永莫慮杞天崩

鍊骨調情性張兵撓棘矜養生終自惜伐數

叛一作必全懲政術甘疎誕詞場媿服膺展懷

詩誦魯割愛酒如灑吳若本舊注云平咄咄

寧書字冥冥欲心增江湖多白鳥天地有青

蠅

夔府書懷四十韻

昔罷河西為初與蜀北師不才名位晚敢恨

省郎遲扈聖崆峒日端居灑灑瀕時萍流仍汲

引樗散尙恩慈遂阻雲臺宿一作常懷湛

露詩翠華森遠矣白首颯淒其拙被林泉滯

生逢酒賦欺文園終寂寞漢閣自磷緇病隔

君臣議

一作識

慚紆德澤私揚鑣驚主辱拔劔

撥年衰社稷經綸地風雲際會期血流紛在
眼涕灑亂交頤四瀆樓船汎中原鼓角悲賊

壕連白翟戰瓦落丹墀先帝嚴靈

一作虛

寢宗

臣切受遺恒山猶突騎遼海競張旗田父嗟
膠漆行人避蒺藜總戎存大體降將飾卑詞
楚貢何年絕堯封舊俗疑長吁翻北寇一望
卷西夸不必陪元圃超然待具茨一作凶 一作兵

鑄農器講殿闢書帷廟算高難測天憂實在
茲形容真潦倒荅效莫支持使者分王命羣
公各典司恐乖均賦斂不似問瘡痍萬里煩
供給孤城最怨思綠林寧小患雲夢欲難追
卽事須嘗膽蒼生可察眉議一作義 堂猶集鳳
正觀是元龜處處喧飛儼家家急競雖蕭車
安不定蜀使下何之釣瀨疎墳籍耕巖進奕
碁地蒸餘破扇冬暖更織絺豺一作構 遘一作哀 登

楚麟傷泣象尼衣冠迷適越藻繪憶遊睢賞
月延秋桂傾陽逐露葵大庭終反樸京觀且
僵尸高枕虛眠晝哀歌欲和誰南宮載勳業
凡百慎交綏

解悶十二首

草閣柴扉星散居浪翻江黑雨飛初山禽引
子哺紅果溪友一作女得錢畱白魚
商胡離別下揚州憶上西一作蘭陵故驛樓為

問淮南米貴賤老夫乘興欲東流一作遊

一辭故國十經秋每見秋瓜憶故邱一作侯今

日南一作東湖采薇蕨何人為覓鄭瓜一作袁州

今鄭秘
監審

沈范早知何水部曹劉不待薛郎中獨當省

署開文苑兼泛滄浪學釣翁水部郎中薛據

李陵蘇武是吾師孟子論文更不疑一云第
二句作

首一飯未曾畱俗客數篇今見古人詩校書
郎雲

卿

復憶襄陽孟浩然清詩句句盡堪傳即今耆

舊無新語漫鈞槎頭縮頸一作編

陶冶性靈在一作存底物新詩改罷自長吟孰

知二謝將能事頗學一作覺陰何苦用心

不見高人王右丞藍田邱壑漫陳作蔓寒藤最

傳秀句寰區滿未絕風流相國能右丞弟今相國縉

先帝貴妃今陳作俱寂寞荔枝還復入長安炎

方每續朱櫻獻玉座應悲白露團

憶過瀟戎摘荔枝青楓隱映石逶迤京中舊

見無顏色陳作京華應見無顏色紅顆酸甜只自知

翠瓜碧李沉玉甃赤梨蒲萄寒露成可憐先

不異枝蔓此物娟娟長遠生

側生野岸及江蒲一作浦不熟丹宮滿玉壺雲

壑布衣駘背死勞生重制作人害馬翠眉須

復愁十二首

人煙生處僻一云遠處虎跡過新蹄野鶻一作鶴又作鷁

晉作雉翻窺草村船逆上溪

釣艇收緝盡昏鴉一作鷗接翅歸吳作稀月生初

學扇雲細不成衣

萬國尙防寇故園今若何昔歸相識少早已戰場多

身覺省郎在家須農事歸年深荒草逕老恐失柴扉

金絲鏤一作縷箭鏃阜尾製一作掣旗竿一自風

塵起猶嗟行路難

胡虜何曾盛干戈不肯休閭閻聽小子談話一作笑覓封侯

正觀銅牙弩開元錦獸張花門小前一作箭好

此物棄沙場

今日翔麟馬先宜駕鼓車無勞問河北諸將

覺一作角榮華一作樊作摧

任轉江淮粟休添苑囿兵由來貔虎士不滿
鳳皇城

江上亦秋色火雲終不移巫山猶錦樹南國
且黃鸝

每恨陶彭澤無錢對菊花如今九日至自覺
酒須賒

病減詩仍拙吟多意有餘莫看江摠老猶被
賞時魚

承聞河北諸道節度入朝歡喜口號絕

句十二首

祿山作逆降天誅更有思明亦已無洵洵人
寰猶不定時時鬪戰欲何須

社稷蒼生計必安蠻胡雜種錯相干周宣漢
武今王是孝子忠臣後代看

喧喧道路多歌一作好童謠河北將軍盡入朝始
晉作是乾坤王室正却交一作教江漢客魂銷

不一作北道諸公無表來茫然一作茫茫庶事遣一作

使人猜擁兵相學干戈銳使者徒勞百萬迴

鳴玉鏘金盡正臣修文偃武不無人興王會

靜妖氛氣聖壽宜過一萬春

英雄見事若通神聖哲為心小一身燕趙休

矜出佳麗宮闈不擬選才人

抱病江天白首郎空山樓閣暮春光衣冠是

日朝天子草奏何時入帝鄉

瀟漫山東一百州削成如椽抱青邱苞茅重

入歸關內王祭還供盡海頭

東逾遼水北溥淹星象風雲喜一作氣共和紫

氣關臨天地濶黃金臺貯俊賢多

漁陽突騎邯鄲兒酒酣竝轡金鞭垂意氣卽

歸雙關舞雄豪復遣五陵知

李相將軍擁薊門白頭雖老一作惟有赤心存竟

能盡說諸侯入知有從來天子尊

十二年來多戰場天威已息陣堂堂神靈漢
代中興主功業汾陽異姓王

喜聞盜賊蕃寇摠退口號五首

蕭關隴水入官軍青海黃河卷塞雲北極晉作

關轉愁一作深龍虎氣西戎休縱犬羊羣

贊普多教使入秦數通和好止晉作尚煙塵朝

廷忽用哥舒將殺伐虛悲公主親

崆峒西極晉作北過崑崙馳馬由來擁國門逆

氣數年吹路斷蕃人聞道漸星奔

勃律天西采玉河堅昆碧盃最來多舊隨漢

使千堆寶少荅戎晉作朝王萬匹羅

今春喜氣滿乾坤南北東西拱至尊大歷二

年鶴本三年調玉燭元元皇帝聖雲孫

洞房

洞房環珮冷玉殿起秋風秦地應新月龍池

一作滿舊宮繫舟今夜遠清漏往時同萬里

黃山北園陵白露中

宿昔

宿昔青門裏蓬萊仗數移花嬌迎雜樹龍喜

出平池落日一作月畱王母微風倚少兒宮中

行樂秘少有外人知

能盡

能盡毛延壽投壺郭舍人每蒙天一笑復似

一作物皆初春政化平如水皇恩一作斷

若神時時用抵戲亦未雜風塵

鬪鷄

鬪鷄初賜錦舞馬一作解登牀簾下宮人出

樓前御柳一作曲長仙遊終一闕女樂久無香

寂寞驪山道清秋草木黃

鸚鵡

鸚鵡含愁思聰明憶別離翠衿渾短盡紅紫

漫多知未有開籠日空殘舊宿枝世人憐復

損何用羽毛奇

歷歷

歷歷開元事分明在眼前無端盜賊起忽已
歲時遷巫峽西江外秦城北斗邊為郎從白
首卧病數秋天

洛陽

洛陽昔陷沒胡馬犯潼關天子初愁思都人
慘別顏清笳去宮闕翠蓋出關山故老仍流
涕龍髯幸再攀

驪山

驪山絕望幸花萼罷登臨地下無朝燭人間
有賜金鼎湖龍去遠銀海鴈飛深萬歲蓬萊
日長懸舊羽林

提封

提封漢天下萬國尙同心借問懸車一作守
何如儉德臨時徵俊乂入草竊一作莫慮犬羊侵

願戒兵猶火恩加四海深

覆舟二首

巫峽盤渦曉黔陽貢物秋丹砂同隕石翠羽

共沉舟羈使空斜影龍居一作官闕積流篙工

幸不溺俄頃逐輕鷗

竹宮時望拜桂館或求仙姹女凌波日神光

照夜年徒聞斬蛟劍無復爨犀船使者隨秋

色迢迢獨上天

垂白一云白首

垂白一云白首馮唐老清秋宋玉悲江喧長少睡

樓迴獨移時多難身何補無家病不辭甘從

千日醉未許七哀詩

草閣

草閣臨無地柴扉永不關魚龍迴夜水星月

動秋山久一作夕露清一作晴初濕高雲薄未還

汎舟慚小婦飄泊損紅顏

江月

江月光於

一作如

水高樓思殺人天邊長作客

老去一雷巾玉露團清影銀河沒半輪誰家

挑錦字滅燭

一云燭滅

翠眉嚬

江上

江上日多雨蕭蕭荆楚秋高風下木葉永夜
攬貂裘勳業頻看鏡行藏獨倚樓時危思報
主衰謝不能休

中夜

中夜江山靜危樓望北辰長爲萬里客有媿
百年身故國風雲氣高堂戰伐塵胡雛負恩
澤嗟爾太平人

江漢

江漢思歸客乾坤一腐儒片雲天共遠永夜
月同孤落日心猶壯秋風病欲疎
一作蘇古來
存老馬不必取長途

白露

白露團甘子清晨散馬蹄
圃開連石樹船渡入江溪
憑几看魚樂迴鞭急一作至
鳥棲漸知秋實美幽徑恐多蹊

孟氏

孟氏好兄弟養親唯小園
承顏抵手足坐客強盤殮
負米力一作寒一作夕葵外讀書秋樹根
卜鄰慚近舍訓子學一作覺誰先一作門

吾宗

衛倉曹崇簡

吾宗老孫子質樸古人風
耕鑿安時論衣冠與世同
在家常早起憂國願年豐
語及君臣際經書滿腹中

有歎

壯心久零落白首寄人間
天下兵常鬪間蜀官軍自圍普還江東客未還窮猿號
雨雪老馬怯一作望泣一作關山武德開元際蒼生豈重攀

冬深

一云
即日

花葉隨天意江溪共石根早霞隨類一云影

寒水各依一云流痕易下楊朱淚難招楚客魂

風濤暮不穩捨棹宿誰門

不寐

瞿塘夜水黑城內改更籌翳翳月沉霧輝輝

星近樓氣衰甘少寐心弱恨和一作知陳作

愁多壘陳作壘恨滿山谷桃源無處求

月圓

孤月當樓滿寒江動夜扉委波金不定照席

綺逾依未缺空山靜高懸列宿稀故園松桂

一作發萬里共清輝

中宵

西閣百尋餘中宵步綺疏飛星過水白落月

動沙虛擇木知幽鳥潛波想巨魚親朋滿天

地兵甲少來書

遣愁

養拙蓬爲戶茫茫何所開江通神女館地隔
望鄉臺漸惜容顏老無由弟妹來兵戈與人
事回首一悲哀

秋清

高秋蘇病吳作肺氣白髮自能梳藥餌憎加減
門庭悶掃除杖藜還客拜愛竹遣見書十月
江平穩輕舟進所如

傷秋

林僻來人少山長去鳥微高秋收畫扇一作藏羽
久客掩荆柴一作屏懶慢頭時櫛艱難帶減
圍將軍猶汗馬天子尙戎衣白蔣風颼脆殷
櫳曉夜稀何年滅一作滅豺虎似有故園歸

秋峽

江濤萬古峽肺氣久衰翁不寐防巴虎全生
狎楚童衣裳垂素髮門巷落丹楓常怪商山

老兼存翊贊功

南極

南極青山衆西江白谷分古城疎落木荒戍
密寒雲歲月虵常見風飈虎或一作聞近身
皆鳥道殊俗自人羣睥睨登哀柝矛弧照夕
曛亂離多醉尉愁殺李將軍

搖落

搖落巫山暮寒江東北流煙塵多戰鼓風浪
少行舟鵝費羲之墨貂餘季子裘長懷報明
主卧病復高秋

耳聾

生年鶻冠子歎世鹿皮翁眼復幾時暗耳從
前月聾猿鳴秋淚缺雀噪晚愁空黃落落驚山
樹呼兒問朔風

獨坐二首

竟日雨冥冥雙崖洗更青

一作清

水花寒落岸

山鳥暮過庭煖老須燕玉充饑憶楚萍胡笳
在樓上哀怨不堪聽

白狗斜臨北黃牛更在東峽雲常照夜江月
會兼風曬藥安垂老應門試小童亦知行不
逮苦恨耳多聾

遠遊

江濶浮高棟

晉作棟

雲長出斷山塵沙連越嶠

風雨暗荆蠻鴈矯銜蘆內猿啼失木間弊裘

蘇季子歷國未知還

夜

一云秋
夜客舍

露下天高

一云空山

秋水清空山獨夜旅魂驚疎

燈自照孤帆宿新月猶懸雙杵鳴南菊

一作國

再逢人卧病北書不至

一作到

鴈無情步蟾

一作

簷倚杖看牛斗銀漢遙應接鳳城

暮春

卧病擁塞在峽中瀟湘洞庭虛映空楚天不

斷四時雨巫峽常吹千里風沙上草閣柳新
閣城邊野池蓮欲紅暮春鴛鴦立洲渚挾子
翻飛還一叢

晴二首

久雨巫山暗新晴錦繡文碧知湖外晉作上草
紅見海東雲竟日鶯相和摩霄鶴數羣野花
乾更落風處急紛紛

啼鳥爭引子鳴鶴不歸林下食遭泥去高飛
恨久陰雨聲衝塞盡日氣射江深迴首周南
客驅馳魏闕心

雨

始賀天休雨還嗟地出雷驟看浮一作峽過
密作舊作塞密渡江來牛馬行無色蛟龍鬪不開
干戈盛陰氣未必自陽臺

月三首

斷續巫山雨天河此夜新若無青嶂月愁殺

白頭人翹翹移深樹蝦蟆動半輪故園當北

斗直指一作想照西秦

併照一作點巫山出新窺楚水清羈棲愁見裏

一作愁裏見二十四迴明必驗升沉體如知進退

情不違銀漢落亦伴玉繩橫

萬里瞿塘峽一作月春來六上弦時時開暗室

故故滿青天爽合風襟靜高當淚臉懸南飛

有烏鵲夜久落江邊

雨

萬木雲深隱連山雨未開風扉掩不定水鳥

過舊作去仍迴蛟館如鳴杼樵舟豈伐枚清涼

破炎毒衰意欲登臺

晚晴

返一作晚照斜初徹一作散浮雲薄未歸江虹明

遠一作近飲峽雨落餘飛鳥陳作鶴終高去熊

罷覺自肥秋分客尙在竹露夕一作久微微

夜雨

小雨夜復密迴風吹早秋野一作夜涼侵閉戶

江滿帶維舟通籍恨陳作多病為郎忝薄遊

天寒出巫峽醉別仲宣樓

更題

只應踏初雪騎馬發荊州直怕巫山雨真傷

白帝秋羣公蒼玉珮天子翠雲裘同舍晨趨

侍胡為淹此一云云此滯畱

歸

束帶還騎馬東西却渡船林中才有地峽外

絕無天虛白高人靜喧卑俗累牽他鄉悅遲

暮不敢廢詩篇

返照

楚王宮北正黃昏白帝城西過雨痕返照入

江翻石壁歸雲擁樹失山村衰年肺病唯高

枕絕塞愁時早閉門不可久畱豺虎亂南方

實有未招魂

熱三首

雷霆空霹靂雲雨竟虛無
炎赫衣流汗低垂
氣不蘇乞為寒水玉願作冷秋菰
何那晉作似
兒童歲風涼出舞雩

瘴雲終不滅瀘水復西來
閉戶人高卧歸林
鳥却迴峽中都似火江上只空
雷晉作想見
陰宮雪風門颯踏開

朱李沉不冷彫胡

晉作菰

炊屢新將衰骨盡痛

被褐

一作賜

味空頻歛翁炎蒸景飄颻征戍人

十年可解甲為爾一霑巾

日暮

牛羊下來久各已閉柴門
風月自清夜江山
非故園石泉流暗壁草露滴秋根
一作滿秋原頭
白燈明裏何須花燼繁

八月十五夜月二首

木集卷一五
滿目飛明鏡歸心折大刀轉蓬行地遠攀桂
仰天高水路疑霜雪林棲見羽毛此時瞻白
兔直欲數秋毫

稍下巫山峽猶銜白帝城氣沉全浦暗輪仄
半樓明刁斗皆催曉蟾蜍且自傾一作清張弓
倚殘魄不獨漢家營

十六夜翫月

舊挹金波爽皆傳玉露秋關山隨地濶河漢
近人流谷口樵歸唱孤城笛起愁巴童渾不
寢半夜有行舟

十七夜對月

秋月仍圓夜江村獨老身捲簾還照客倚杖
更隨人光射潛虬動明翻宿鳥頻茅齋依橘
柚清切露華新

村雨

雨聲傳兩夜寒事颯高秋挈一作攬帶看朱紱

木集卷一五
開箱覩黑裘世情只益馳盜賊敢忘憂松菊
新霑洗茅齋慰遠遊

雨晴

雨時山不改晴罷峽如新天路看殊俗秋江
思殺人有猿揮淚盡無犬附書頻故國愁眉
外長歌欲損神

晚晴吳郎見過北舍

圃畦新

一作佳

雨潤媿子廢鋤來竹杖交頭拄

柴扉隔

一云掃

徑開欲棲羣鳥亂未去小童催

明日重陽酒相迎自醅醅

暝

日下四山陰山庭嵐氣侵牛羊歸徑險鳥雀
聚枝深正枕當星劍收書動玉琴半扉開燭
影欲掩見清砧

雲

龍似

一作自

瞿唐會江依白帝深終年常起

峽每夜必通林收穫辭霜渚分明在夕岑高
齋非一處秀氣豁煩襟

月

四更山吐月殘夜水明樓塵匣元開鏡風簾
自上鈎兔應疑鶴髮蟾亦戀貂裘斟酌姮娥
寡天寒奈九秋

雨四首

微雨不滑道斷雲疎復行紫崖奔處黑白鳥

去邊明秋日新霑影寒江舊落聲柴扉臨野

碓半得

一作濕

搗香秔

江雨舊無時天晴忽散絲暮秋霑物冷今日

過雲遲上馬迴休出看鷗坐不辭高

一作層

軒

當灑灑潤色靜書帷

物色歲將晏天隅人未歸朔風鳴淅淅寒雨
下霏霏多病久加飯衰容新授衣時危覺凋

喪

一作喪亂

故舊短書稀

楚雨石苔滋京華消息遲山寒青兕叫江晚
白鷗饑神女花鈿落蛟人織杼悲繁憂不自
整終日灑如絲

夜

絕岸風威動寒房燭影微嶺猿霜外宿江鳥
夜深飛獨坐親雄劔哀歌嘆短衣煙塵繞閭
闔白首壯心違

晨雨

小雨晨光內初來葉上聞霧交纒灑地風逆
一作折旋隨雲暫起柴荆色輕霑鳥獸羣麝香
山一半亭午未全分

反照

反照開巫峽寒空半有無已低魚復暗浦也不
盡白鹽孤山也荻岸如秋水松門似畫圖牛羊
識僮僕既夕應傳呼

向夕

畎畝孤城外江村亂水中深山催短景喬木
易高風鶴下雲汀一作河近鷄棲草屋同棊書
散明燭長夜始堪終

曉望

白帝更聲盡陽臺曙色分高峰寒一作初上日
疊嶺宿霾一作未收雲地坼江帆隱天清木葉聞
荆扉對麋鹿應共爾為羣

雷

巫峽中宵動滄江十月雷龍虵不成蟄天地
劃爭迴却碾空山過深蟠絕壁來何須妒雲
雨霹靂楚王臺

雨

冥冥甲子雨已度立春時輕箠煩相向纖絺
恐自疑煙添纔有色風引更如絲直覺巫山
暮兼催宋玉悲

朝二首

清旭楚宮南，霜空萬嶺含。
野人時獨往，雲木曉相參。
俊鶻無聲過，饑鳥下食貪。
病身終不動，搖落任江潭。

浦帆晨初發，郊扉冷未開。
村林一作疎黃葉墜，野靜白鷗來。
礎潤休全濕，雲晴欲半迴。
巫山冬可怪，昨夜有奔雷。

晚

杖藜尋晚巷

一作巷

一作晚炙背近墻暄，人見幽居僻。

吾知拙養尊，朝廷問府主。
耕稼學山村，歸翼飛棲定。
寒燈亦閉門。

夜二首

白夜月休弦，燈花半委

一作委半

眠號山無定鹿

落樹有驚蟬，暫憶江東鱸。
兼懷雪下船，蠻歌

犯星起空

一作重

覺在天邊

城郭悲笳暮，村墟過翼稀。
甲兵年數久，賦斂夜深歸。
暗樹依巖落，明河繞塞微。
斗斜人更

林集卷之十五

望月細鵲休飛

社工部集卷之十五

